



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

S. D. N. Pij Papæ V. Constitutio contra offendentes statum, Res, & personas Officij Inquisitionis hæreticæ prauitatis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

S. D. N. Pij Papæ V. Constitutio contra offendentes
statum, Res, & personas Officij Inquisitionis
hæreticæ prauitatis.

*PIVS Episcopus, seruus seruorum Dei,
ad perpetuam rei memoriam.*



de protegendis ceteris omnibus ecclesie ministris, quos in fidem & clientelam nostram à Domino recepimus, cura nobis quotidiana insidet, quanto maiore studio eam nos sollicitudinem capefcere necesse est, vt qui in sacro Inquisitionis Hæreticæ prauitatis officio uersantur, sub tutela inuiolatæ auctoritatis huius Sedis periculorum omnium expertes, quæque munera ad exaltationem fidei Catholicæ exequantur? Cum itaque eius generis impiorum vis quotidie magis inualefcat, qui omnibus malis artibus prædictum officium subuertere, ministrosque functionibus disturbare moliantur, eo iam nos detrusit necessitas, vt nefariam, & scelestam illorum audaciam acerbioris castigationis verbere reprimamus. Hac igitur generali Constitutione de fratrum nostrorum consilio sancimus, vt quicumque siue priuatus, siue cuncta Ciuitas, siue Populus, siue Dominus, Comes, Marchio, Dux, vel potiore titulo illustris, quemuis ex Inquisitoribus, Aduocatis, Promotoribus, Notarijs, alijsuè ministris prædicti officij, vel Episcoporum id munus in sua Diœcesi, aut Prouincia obeuntium, seu accusatorem, denunciatores, aut testem in causa fidei quomodocumque productum, vel euocatum, verberauerit, deiecerit, seu perterrefecerit, quuè Ecclesias, ædes, aliasue res siue publicas, siue priuatas officij, aut ministrorum expugnauerit, inuaserit, incenderit, expilauerit: aut libros, literas, auctoritates, exemplaria, regesta, protocolla, exempla, scripturas, aliaue instrumenta, siue publica, siue priuata vbicumque posita combusserit, diripuerit, seu interuerterit; seu ex incendio, aut direptione, aut alio quocumque modo illa exportauerit, seu qui conflagratione, expugnatione, aut direptione, etiam inermis, siue capiendi, siue cõburendi, siue suppressendi causa fuerit, siue res, aut personas seruari, defendiue prohibuerit: quiaue carcerem, aut aliam custodiã, seu priuatã effregerit, uinctum extraxerit, seu emiseric, capiendum prohibuerit, captum uè eripuerit, receperit, occulerit, seu facultatem effugiendi dederit, seu iusserit id fieri, qui cõtũ, cõcursum uè fecerit, siue vt aliquid prædictorum fieret, homines accommodauerit, siue alias auxiliũ, consilium,

silium,

filium aut fauorem publicè, vel occultè in quolibet prædictorum scienter præstiterit, licet nemo occisus, nemo verberatus, nemo extractus, emissus, vel creptus, nihil expugnatum, nihil effractum, succensum, direptum, & nullum denique damnum re ipsa sit sequutum; nihilominus is sit anathemate præsentis Canonis auctoritate ligatus, idem quoque legis maiestatis reus, dominio, dignitate, honore, feudo, ac quocumque alio beneficio temporali, & perpetuo eo ipso, priuatus, secularis iudicis arbitrio relinquatur, qui de eo illas ipsas pœnas exigat, quæ damnatis primo capite dicte legis per constitutiones legitimas irrogantur, bonis, rebusque omnibus fisci iuribus applicatis vti etiam est de damnatis hæreticis per sanctiones Canonicas constitutum: eius filij paterna infamia subiecti, omnis, & cuiuscumque hæreditatis, successione, donationis, & legati siue propinquorum, siue extraneorum omnino sint expertes, eisdem præterea portæ nunquam pateans dignitatum. Nemo autem expurgationem habere, aut causam vllam proponere, vel prætere posse, quin tantum nefas in contemptum; & odium huius officij aduiferit, nisi contrarium per claras probationes docuerit fecisse. Quod de prædictis eorumque filijs statuimus, illud idem de omnibus Clericis, & presbiteris secularibus, & quorumuis ordinum, etiam exemptorum, regularibus, & quacumque etiam Episcopali, & maiori dignitate præditis, ac etiam priuilegio quomodocumque suffultis, decernimus exequendum ita vt ipsi beneficijs, & officijs omnibus Ecclesiasticis præsentium auctoritate priuati, per Iudicem Ecclesiasticum Hæreticorum more degradentur, demum potestati seculari traditi, pœnis prædictis laicorum instar subijciantur; Pontificum tamen causis nobis, & successoribus nostris referuatis ut re quæsitæ, & nobis renunciata contra eos ad depositionem, & alias pœnas prædictas procedamus, uti criminis atrocitas videbitur postulare. Quicumque autem pro talibus veniam petere, aut aliàs intercedere tentauerint, in easdem illas pœnas, quæ in Hæreticorum fautores à sacris constitutionibus inferuntur, ipso facto se nouerint incidisse Verum si quis etiam huiusmodi criminum conscius, uel affinis, siue religionis studio, siue pœnitentia ductus rem adhuc incognitam retexerit, supplicio liberetur. Cæterum eam omnium, & quorumcumque absolutionem rationem à prædictis criminibus, necnon habilitationem, & restitutionem etiam ad famam, & honores, ita deinceps habendam optamus, vt successores nostri nullas nisi saltem semestri post cuiusque assumptionem ad huius dignitatis fastigium excursio, ac precibus apud supremum officium Inquisitionis hic institutum verificatis, concedant. Decernentes omnes, & quascumque huiusmodi absolutiones, habilitationes, & restitutiones quæ precibus sic non verificatis de cætero fient, nemini prorsus

profus prodesse, sed nec presentibus, nisi toto ipsarum tenore ad ver-
 bum inserto, & gratia ex certa Romani Pontificis scientia facta, & pro-
 pria manu subsignata, vlla in parte derogari, nec derogatum censer-
 i debere, & si illis ex quacumque causa aliter derogari contigerit, dero-
 gationes huiusmodi nullius profus fore roboris, & momenti. Iube-
 mus igitur vniuersos, & singulos Patriarchas, Primates, Archiepisco-
 pos, Episcopos, & ceteros Ecclesiarum Prælatos per vniuersum or-
 bem constitutos, vt per se, vel alium, seu alios presentes literas, aut
 earum exempla in suis quisque Prouincijs, Ciuitatibus, Diocæsisibus,
 & Locis solemniter publicare, & quantum in se est, firmiter observa-
 ri procurent, contradictores quoscumque per censuras, & pœnas Ec-
 clesiasticas appellatione postposita, compescendo, ipsasque censuras,
 & pœnas etiam iteratis vicibus aggrauando, inuocato etiam ad hoc,
 si opus fuerit, auxilio brachij sæcularis: Non obstantibus Constitutio-
 nibus, & Ordinationibus Apostolicis, cæterisque contrarijs quibus-
 cumque. Volumus autem, vt presentium exempla etiam impressa
 edantur, eaque. Notarij publici manu, & cuiuscumque curiæ Ecclē-
 siasticæ, vel Prælati Sigillo obsignata, eandem illam profus fidem
 vbiq; locorum faciant, quam ipsæ presentes facerent, si essent
 exhibitæ vel ostensæ. Cæterum omnes Orbis terrarum Principes, qui-
 bus gladij sæcularis potestas ad malorum vindictam est permessa: per
 eam, quam se tueri promiserunt fidem, obtestamur, ita suas quisque
 partes siue in præstando ministris prædictis auxilio, siue in criminum
 post Ecclesiæ sententiam animaduersione interponere, vt eorum quo-
 que præsidij ministri ipsi tanti officij munus pro Dei æterni gloria, &
 religionis incremento feliciter exequantur, amplissimum à Domino
 præmium recepturi, quod fidei prædictæ assertoribus in æternæ bea-
 titudinis consortio præparauit. Nulli ergo omninò hominum liceat
 hanc paginam nostræ sanctionis, legationis, statuti, decreti, iussio-
 nis, obtestationis, & voluntatis infringere, vel ei ausu temerario con-
 traire. Si quis autem hoc attentare præsumpserit, indignationem Om-
 nipotentis Dei, ac Beatorum Petri, & Pauli Apostolorum eius, se no-
 uerit incursum. Datum Romæ apud Sanctum Petrum, Anno In-
 carnationis Dominicæ, Millesimo Quingentesimo Sexagesimo Nono.
 Kal. Aprilis, Pontificatus nostri, Anno Quarto.